



自序

自序



自序

古無詩人三百篇可知誰作者
得一二蓋夫人而能為詩夫
有係于時也古之制田功既畢男女
同巷夜績有所怨恨相從而歌飢者
歌其食勞者歌其事男女老而無子

者官衣食之使之民間求詩以備太
史之采是故王者不出戶牖盡知天
下所苦樂此風詩之所由興也大桓
詩之作出於無心則其情真又必各
有所為故其義實情真義寔故一國
之事係一人之本而匹夫匹婦之歌

吟可以察治忽也後之詩人則異是
彼既以詩自命人亦以詩相屬於是
外物為主而詩後爲詩為主而心後
焉以詩後心則心非其心特牽於詩
耳詩於是無真性情以外物後詩則
作如不作特緣于外耳詩于是無真

比興然而情實彌隱詞采彌工義理
彌消波瀾彌富而又格律以繩之派
別以嚴之時代以區分之回視詩教
之本來其然乎其不然乎古之詩男
女自言其傷而閔盛衰後之詩文人
學士弊精勞神期以鼓吹風雅反或

無與於得失其故何哉誠偽之分醇
醜之判也予于斯事不求甚解而竊
好反尋其本收拾舊稿其無為而作
者去之其為人而作者又去之止存
其自吟自止用適已事者工拙所不
計也時乾隆壬申秋七月既望書

詩集目錄

卷一

詠史

述懷

枕上

醉後走筆寄許文遠

懷舊

咏梅蕊

樂翁六章

阻風

上巳次贈大人韻

秋閨

咏蠶


苦次作

袁氏林亭

尊經閣下曝書

古松

恒雨



原件短缺

P2

古意 咏懷

樓中玩月

長夜吟

金貞女

憫農詩

四照軒雜咏

宋玉才餽蟹米

偕侯梅圃汪茶圃飲分得亦字

示瑩澧

送王次山之京師

壽夏性天

八月十五夜

王府基懷古

校先人集

乘月過韋蘇州祠

題九兄小照

寄引年郭師

秋梧

寄宋玉才

釀酒歌

過蕩口訪李芥軒偕詣華鴈遠宿

除夕

寒蟬歌

柳枝詞次玉才韻

集王學舒松筠堂

秋柳次孫陶菴韻

孫士長孝行

觀穫稻

丙舍餽餘示子姪

田間招友

秋胡詩

夏日閒居

哀女孫痘殤

坐雨

春社樂歌

田間問答

感秋

聞恩赦喜吳青浦師得歸

夏晚思遊喜吳青術與借山釋

答李芥軒次韻 訪沈婦愚不值

春遊 題荆南小照

卷三

應聘赴江寧修通志別東田

龍潭道中 呈志館諸君子

遊清涼山寺 登掃葉樓

寓舍巢燕 贈王晴江

壽王僉憲西澗八十 壽陳榕門母七十

至日呈志館諸公 贈別程得莘同年

黃唐堂宮允庭中假山次韻

答任翼聖計偕留別 癸丑元日

贈勞尊三解任 禱雨辭

題高且菴畫飢驅圖次沈子大韻

自紫陽書院歸勿好索然感而有作

甲寅元夕昆弟小飲 城西泛舟

悼亡五首 覺老

書院早起 即日

聽蛩聲 輓邵中丞學址

歲暮短述 丹陽舟次二首

泊淮安

宿汶上

趵突泉

泛明湖飲歷下亭

鄉試日呈崑圃師

藩屏園中

感物

實甫畫園亭繫詩贈別答之

舟過相城

將之彭城同社讌別

雲龍山

偶述

登山放歌

夜坐

城南紀遊

遊宿朱氏庄次日登天門山抵

皇巖峪

歸途紀事

西郊泛雪同茶圃

懷舊

記夢

桐城方貞觀寄詩稿書贈

登大觀亭

將歸作

樅陽阻風

偕東淑過吳友篁

吳季子祠

示慶社

集馬秋玉林亭

移梅花書院

送顧倫九之長沙

海月歌

或詰予不復往江都書院之故答之

九兄還縣

壽何節婦

友篁倩葉震初為予寫照

寄沈歸愚

送茶圃訓導宣城

卷四

移居葛家街

秋懷

張天扉輓歌

聞任翼聖亾

病起

口占代東蘊高諸同人

七夕讀杜詩牛女篇

憶往日三首

先子年七十有一終于臘月初一冬至節卧占首聯

祖范

次三四句今閱三十五冬至矣追續成篇

懷舊

記潘樹尋父

登杭州撫署樓

湖上

林亭

題蘭陔奉母圖

哭王眉哲

落葉次毛約亭韻

素風上人移住白雀寺

詠史

詠物

庚辛歲交

紀遇

舊稿復歸喜而有作

哭韓開雲

北山歸途

哀西京

月下

晚桂

啜茶

自筴

酉戌歲交

偶成

詩集目錄終

詩集卷一

戊寅至壬寅得古今體詩六十三首

詠史

海虞陳祖范著

在昔師尚父投竿輔興王燮伐一朝定賜履裂齊疆番番行
就國夕宿逆旅旁聞訊客寢安疾起嚴晨裝緬彼功巍巍尚
爾心遑遑後來風塵人雞聲舞激昂下士善高卧爾志無乃
荒

匡衡九射策僅乃中丙科當其屢下第經義彌切磋明經中
愈晚白首行蹉跎何意數年間遷除迅如梭不出長安門台
鼎已巍峩誰云功名薄晚達良足多

樊噲鴻門時瞋目凌西楚季布廷叱之喑啞不能語朱家舊
黥奴意氣乃如許諾重千黃金審量在吐茹聲名吾自立曹
邱輩如鼠

述懷

好鳥鳴嚶嚶芳林花灼灼耳目豈不娛過時還寂寞低心作
文辭學得花鳥姿花鳥姿易似速朽將奚為冶容自言工懼
貽高人嗤

枕上

君不見團團天上月流光入我懷袖中况兮下墜在水底用
力撈取已復空夜半夢故人依依平生親覺來還失之夢覺

誰是真但看殘月半窻明虛庭颯颯秋風聲

醉後走筆寄許文遠

行年長大不稱意一盃狂醉失天地苦憶我兄落窮鄉老屋
破壞田疇荒我妻爾妻相繼死穉兒弱女俱扶床吾翁若翁
羈孤身一脫齒牙一目盲叶怪哉天公意均平位置吾等畧
相當窮冬臘盡春又來萬物吐氣殷其雷沾取濁醪千餅蠱
進之二老懷同開爾我一歌間一哭駸駸白日西馳速

懷舊

自與君別後三宿天霜寒豈無新知好結交古所難憶昔邂
逅時共保百歲歡中更歷險艱忍飢待朝餐風雨送蕭條愁

眉共相看時復破涕笑苦志常辛酸歲月促汝去冥途浩漫
漫日夕望歸來簷前露空團亦有素心人贈我金琅玕起我
傷弦羽共作臨風翰便欲往從之回首且盤桓盤桓復何為
懷舊思無端不見餅落井汲水不得乾水乾却見底豁然示
肺肝

咏梅蕊

人愛全開日余憐含蕊時冰肌霜女妬玉質雪花欺春意深
封裏寒容自斂持憑欄相慰藉辛苦到春期

樂翁六章

嗟我人斯終年滅裂猶獲石田代耕以舌我父我子晨昏斯

缺惟暮之冬相見懽悅鼓之舞之康咏大耋

曷樂我翁膝下兩雛一雛九齡能奉步趨一雛四歲識之與
無投入翁懷捋翁鬚鬚踞翁頂上摩翁頭顱翁笑自嘲老馬
反駒翁醉兒扶其樂吾吾

曷樂我翁勸加餐食有魚維鮮有酒維醴亦有新炊曰黍與
稷何以供之出自爾力終歲矻矻脯脩所得進之高堂而康
而色

曷樂我翁朋好在茲敬敦道義諷咏書詩或話故舊以悲以
嬉無謀於隱勿計其私愜心而言不我遠而

曷樂我翁青山接武臘盡寒回春原膺膺有鳥和鳴州芽暗

吐藥以行和絃以行撫與物俱康與時俱普
啜菽飲水以養其親親曰樂哉我不知貧謹身節行以視其
膳親曰可矣我不知賤

阻風

閉門識陰晴出門候風波于役至京口便欲一葦過篙師語
咋舌今行逢孟婆陰雲翔石燕逆浪驕鼃鼉沿沂忌洄汰奔
濤走盤渦我老江湖間閱歷亦已多慎勿昧險易躁進將蹉
跎公今無渡河公若欲渡河中流莫措手舵折檣摧柁爾何
上已次 大人韻二首

勝日無多未浹旬題詩已欲惜餘春斜陽湖上凌波鞞芳草

堤邊煥麴塵消外自知多芍藥波心曾否見金人佳辰報答
將何事襖帖臨摹不厭頻

一晌韶華抵一旬醒人啼鳥醉人春細簾棊几遲遲日花塢
池塘細細塵烟艇輕搖解珮女酒帘邀勒踏青人晚來風柳
顛狂甚知是溪雲過雨頻

秋閨

余年十七賦詩有蟲吟總不工句慕盧韓先生謂
移賦閨怨乃千古名句也哲匠逝矣賞音誰歟偶
憶其語聊
足成章

的的臨窻影依依憶遠衷有情挑錦字無語倚絲桐蛺蝶雙
雙見賓鴻一一逢夢餘蘭氣歇日暮鵲聲空砧響疑含怨蟲
吟搃不工早知心匪石那免髡如蓬楚澤寒無底吳山斷若

通翠眉微蹙處昨夜有秋風

詠蠶

吳蠶何其愚絲盡身亦僵竭此逞寸軀眠起為人忙默思造化理適用者稱良佳人不子棄朱綠而元黃絲絲入杼軸粲成文章登之筐篚內貢之白玉堂感此見用思畢命固所當

苦次作

有性從汝滅誰教命苟延生無為子日死是見親年九我空留我終天不戴天哀哉兩行淚流不到重泉

袁氏林亭

勝地宜人墅移居遠世情雲端雙澗落雨外一峰晴嵐重迷寒暑林幽失晦明主人興不淺次第架書棚
信宿已徂暑秋光一醒人倚空山陡健入夜月精神鏡裏軋坤老霜前樹石新欣偕二三子坐對此清真

尊經閣下曝書

學課

六經萬古開羣蒙輔以傳註義大通百家衆說書蘊崇徒費簡策勞無功尊經之閣列學宮譬如培塿仰華嵩博士諸生誦習同半部治平存其中先生有道文亦工閒居六月心虛冲再拜捧書鋪簾櫳塵飛蠹走廓寥寥太陽當中光射紅先生曝書意無窮慨自聖伏邪說充詞賦帖墨欺兒童經籍雖

存義夢夢束置高閣迷西東而今昭昭對蒼穹一曝見魄節
不豐驅回怪異無藏容再曝字裡流文虹榮光直上蟠虛空
三曝返照人心胸耿耿大義明而融他年持獻蓬萊宮天光
下燭迴重瞳

古松

齷齪居世間行步困偃仄低頭接侏儒疾走避盜跖竭來長
松下披豁快胸膈長松何老蒼一掃區中迹聳身青雲開蟠
根厚地坼正直絕攀援蕭疎遠薰炙肅肅大臣貌落落修士
格此吾丈人行論交見古德振君拔俗姿堅我歲寒力端拱
不敢睨歸去如有得

恒雨

春末夏之首恒雨連數旬吾土異高低高者下種勻溝車掛
梁壁婦子紡以紉但俟水勢減耘耔及良辰低者淪江湖波
濤浩無垠雞犬悉上屋舉家寄河濬相去數十里彼此殊越
秦苦樂宜均被辟如人一身半體雖獨活偏枯為不仁所以
君子心溥徧無涯鄰憂喜不以已四海熙陽春

古意

空谷有佳人天賦淑且貞芳馨自珍惜不受世重輕矜嚴絕
巧笑况乃善逢迎悲來發清歌其聲儷咸英何時得靈匹緬
我太古情

詠懷

本無求合意何事歎知希睡為心安美顏因戰勝肥數編真
可老半酌已忘機不見橫奔者途窮何處歸

樓中玩月

團團一片雲翳空欲行不行樓之東此時平視未諦審乃似
粉面隔簾櫳少焉衣袖上微白久之樓浸明水中驚顧雲影
失所在但見碧落懸青銅馳波溢彩百媚生而今始識姮娥
容願留光儀永今夕莫放東海扶桑紅

長夜吟

啼殺汝南雞滴盡銅壺水羲和昏睡嬾駕車天關沉沉呼不

起似厭人間夸父多聊停白駒息奔波不然志士中夜心太
陽亦應早鑒臨

金貞女

青青女貞木幽茂凌嚴冬枳橘有遷化此物性所鍾變彼名
家姝少小教於宗女身有一諾父命無二從甘為玉蘊石不
作金在鎔金鎔易從草玉蘊堅孤蹤保此天然軀長依母腹
胸

憫農詩

居遊在城邑萬戶排魚鱗里閉陳百貨人家列倉困釀醕盛
屠沽倡樂沸梁塵歲晏為歡娛姻朋間比鄰四座且莫喧聽

詩集 卷一
我歌農人農人無已業賃畧為耕耘方其力作時不異牛馬
身拌草與抃土負耒終日勤條狼以糞田朽穢如至珍巧貸
作工本倍稱富兒門所欣雨暘若忍飢望秋旻凡百公私瀕
咸仰田穀新嗟嗟登場後歲美地力貧田主謂歲美并責新
與陳債家謂歲美火急催息銀掃地盡付與不盡彼怒嗔七
口八口命十束五束薪無以卒季冬况乃及來春歲美尚如
此况遭水旱頻何當三代時口分產平勻貧富不相耀歡戚
彼此均貨物絕淫巧風土歸朴真不聞歌吹聲亦不聞啼呻
悠悠遂生理浩浩遊大鈞

四照軒雜咏

作主是雲山客來常掩關春兼中酒意人共落花間吟入松
風韻愁開水鏡顏暫時容寄傲昏黑不知還
嗜竒復愛曠今日此相遭虬幹排空走雲根到地牢窻中分
嶺色樹杪瀉江濤物象都殊異緣知作者勞

宋玉才餽蟹米

水國登新候秋盤薦品時自然食指動果慰朶願垂黃甲名
堪噉紅蓮色更竒香風騰遠近猛勢欲鬚鬚早熟輕農力橫
行任汝為泥猶沾擁劍露尚點香萁走力沽醺醪呼妻析糜
虜兩分脂膩口一罌滑流匙紅紫還相應甘腥各有司餐因
佳客勸螯付主人持乞米珍盈溢爭魁覆巨卮自慚昏菽麥

言集 卷一
幸不誤螻蛄南食聞多怪西成祝及期輸芒忠蓋露炊玉固
窮宜荷子能相念杼毫荅小詞明年遺種在報與老饕知

偕侯梅圃汪茶圃飲分得亦字

歲初易戶始闢里巷微逐恣所適我輩拓落何所為那堪拘
苦坐蕭索不慕洞房翠幄酣清歌不善曲躬好語延俗客不
能豪吞大嚼盃盤間不喜分曹角抵呼五白止用文墨相娛
嬉探囊倒困吐肝膈遇事輒隸鬪少多戲為婁數覆使射鈔
音易窮燭寸短心急目張口呃噉就中侯子最健決一揮百
萬森劔戟汪氏龍魚亦怪竒餘勇未賈試投石我張空拳挑
兩軍且却且前伺其隙有時持重閉和門便遭詬辱貽巾幗

人生此樂不常有榮枯似鳥飛無迹君不見載途雨雪冰塞
川春風不來日將夕安得縱翮凌雲翔侯生汪生為我左右

夾兩亦

說文夾人之臂
亦也亦與掖通

示瑩漣

汝祖生我一單特殊不支孤根發兩榦競爽庶可期黽勉畢
婚娶勢復蕃孫枝入閨呼阿翁牽裾索棗梨親串或予羨便
可遨以嬉所苦家空窮無以為汝貽汝貽亦孔多先典羅文
義汝欲飽於德一食永不飢汝欲富於文至寶可手携此產
不分析此田任耘耔此為永世業百代無磷虧倘白虹小子
則各從汝為我躬尚不閱我後勿與知

送王次山之京師

男兒不家食觀光首京都培塿無松栢朝陽茂桐梧晨風歸
北林池魚樂江湖地勢殊廣狹萬物逞良圖僕抱蹇拙疾不
利于走趨所以裹其足白首東海隅時勞日邊望西向笑且
吁今子別我遊惜哉不得俱長卿題橋柱終生棄關繻先達
有倒屣後進無濫竽拔茅彙斯征食苹鳴相呼皇路方蕩蕩
秣驥登長途

壽夏性天

韶齡光景只當前不信君令六十年故態向人回白眼新詩
隨意到青蓮辰占箕斗名將遠日不庚寅命未遭高興自能

追仲御浮舟先約下琴川

八月十五夜

十二回逢三五盈偏于秋仲競將迎自緣世眼看来異未必
今宵分外明偶被片雲遮亦好此時獨酌影雙清西巖一墮
無多別只望團圓夜總晴

王府基懷古

不成割據猥稱王倔强東吳坐待亾人有八千江未渡州無
十四劒消鎡當年黃菜風前葉今日青燐雨後光何必蘇臺
慣遊鹿秣陵芳草共斜陽

校先人集

執卷復掩卷。心瞿更目瞿。已知非膝下。恍若奉庭趨。肺腑將
顏色。歡欣雜歎吁。俱傳一編內。鑄在子肌膚。

十四 乘月過韋蘇州祠

皓魄揚光輝。良宵展遊眺。微吟韋郎詩。言尋韋郎廟。庭枝倦
昏栖。鑪烟歇晨燎。此邦幾人臨。公名至今劭。曰余愧俸錢。郡
閣但坐嘯。坐嘯政已成。來者誰同調。精靈苟或存。夢寐挹清
妙。廟中祈夢
多奇驗

十二 題九兄小照

吾兄也。何仙仙。霞為幘。松為年。采三秀。携五絃。若輕舉而復
還。昔與兄。幼隨肩。四節會。大父前。分棗栗。作豆籩。竹馬遊衣

裾。牽弟劣。後兄先。鞭堂上。翁色鞮。然既就。塾角誦。篇早薄。祐
還屯。邇遂分。張遠播。遷有時。來共被。眠今相。顧雪盈。顛木有
枝枝。有連兄。語我尚。慎旃。指壺盧。別有天。

寄引年郭師

吾師文章伯。家住邗江濱。筆底翻波瀾。崩雲裂蒼垠。迅如摩
天隼。橫似縱壑鱗。藩籬一剖破。恣肆誰能馴。邇來鎖怪異。披
華存清真。鑿山出石髓。傳火去故薪。俯視世上兒。燥吻更搖
唇。蠅聲發蚓竅。訾訾尚斷斷。往者獻貢士。夫子為席珍。大學
想風流。人人折其中。栖栖不稱意。將老烟花春。范也在其門。
學步空逡巡。昔遇鳳凰臺。今隔楊子津。風帆去歷歷。望遠勞

言集 卷一
心神河汾同學者房魏屬何人

秋梧

梧桐鳳凰枝良不耐寒苦西風人未覺碧葉墜如雨况復點
微霜一敗不自主可惜根株半死生誰聽宮徵韻鏗錚翮羽
不儀枝已老迢迢百尺空含情

寄宋玉才

汝疾全瘳未吾衰可奈何歲將名共晚愁傍酒俱多鴈叫霜
邊月風寒日暮波江城兩寂寞飛夢屢相過

釀酒歌

山妻知我心幽憂買秫釀酒供歸謀釋之漉漉烝浮浮貯以

磁罌沃其餽薪橐覆藉密且稠越宿得氣滋液流嬰兒始孩

肌滑柔昔名酒子今酒頭俗云酒頭糟也漉醅糟床聲颼颼水短水

長任所求俗謂味濃者為短水酒聖人賢人分兩甌天寒軟飽抵重裘

交春綠蟻凝浮漚此生茫茫不得休那能獨醒侶俳優醉鄉

日月聊淹留

迎春詞三章

四序兮平分情最親兮東君自別君兮苦莫苦夏赫曦兮焚
焦余之肺腑愴怳憤恨兮秋氣悲天高無情兮人莫我知遲
暮兮迫冬日壯士短氣兮歡娛畢東望君兮歸來康斯人之
愁疾

君不行兮誰留雪載塗兮風盪舟黑帝干時而不讓兮元冥
固位而妄求吾欲排閭闔以上訴兮君語余曰勿迫停余駕
兮蘭皋奠余誠兮蒼壁苟兩美其終合兮孰後時之足惜
忽一日兮氣妍柔土膏動兮水泉流艸干花兮樹百色語流
鶯兮滿皇州飲君和食君德君既來兮人未識登春臺而四
望兮何江南日落之烟綿折瓊枝以徘徊兮恨不及我之盛
年

曉窓雨霽

夢雨他年意春雷昨夜聲晨興衆妙集閒坐萬綠清花重猶
能笑鶯啼必盡情此時真自得俄頃亦長生

過臨水居

使君高興絕塵寰未下車時便買山月榭甫成官已罷妓樓
初落吏將還花枝低亞思簪鳳池水潺湲憶墮環他日夢魂
縈繞處江南冀北共追攀

三年深鎖故園秋偶值開時得浪遊廢水閣前新月上曲欄
干外小紅留仙人十二空雲表妓女三千列席頭莫歎奉誠
為馬宅幾人華屋不山邱

清明日山行

春山無處不花枝攔路勾留步屣遲源水再尋荒舊徑紙錢
高掛見新碑狂來不覺醒如醉老去翻疑我是誰日落江南

足烟景意行惆悵獨吟詩

社集分賦史事

孔璋書記士筆舌隨人使不論袁與曹銛鋒快所擬孟德豈
不雄簸弄若兒子昔檄心肝寒今檄頭風已

新柳

野店與溪橋春風作意嬌送迎初賣眼眠起乍舒腰葉葉憑
金剪絲絲惹畫橈染衣應及早容易雪花飄

同侯汪兩兄登拂水巖

生平眼界小塵寰不是嵩恒不擬攀何意近尋烏目頂已如
高出白雲間湖光倒影沉青嶂石勢銜空闕遠山一步一回

頭惜別更邀明月送吾還

君山觀潮

信于弦壘壯於秋矢激雷奔忽罷休魚鼈乘流遭涸轍羨他
狎浪是輕鷗

曉過尚湖

放棹乘朝色空明欲上天中秋半篙月初日一湖烟書卷隨
身在瀟湘即眼前幾時尋釣叟閑憇碧雲邊

古劍為西京賦

誰言古劍鈍不若今劍利利比血讐頭鈍者又邪意利逞一
時鋒鈍為萬年器刺心不刺形請君佩勿離

詩集 卷一
感秋

人生弦上筈流光迅於矢春鳥暢歡情秋蟲感衰耳萬籟乘
時鳴一心異悲喜中宵不成寐轉輾攬衣起今人未嘗生古
人未嘗死欲求不死方從師悔晚矣

歲暮感懷

雙鬢今如此行藏可自由友邀鶯谷出妻勸鹿門遊路鬼挪
揄笑鷄鷓躑躅畱不知詹尹策能決此生否

相識無多士那堪訃數聞為尋前贈句與定舊遺文不朽誰
無意平生自此分痛人還自念萬古一浮雲

東吳棹歌

千人石上沸笙歌七里山塘粉黛多看得羅敷歸怨怨明朝

出意畫雙娥

吳兒踏浪狎風波收起笭箬白小多到曉櫂頭船上賣傍鮮
鮮叶鼓聲和

詩集卷一終

詩集卷二

癸卯至庚戌得古
今體詩七十一首

江陰韓園探梅

時抄貢
舉作

海虞陳祖范著

廿年浪迹此徘徊正值花時有幾回
氣味尚堪相似否晚風斜日為君來

步屨城東柳欲芽荒園十畝枕江斜
就中鐵幹根株老傲睨春風不肖花

夢述

自從別家來十夕九夢親父念子行役不
因存歿分存為倚門望隔形不隔神歿為
空中魂魄依游子身危高山之巔慄

深水之濬悲哉同行子生獨為鮮民白雲處處多天涯見無
因

聞報後作

詰朝多士慶彈冠鵬鷲同時插羽翰我為昔年頻削足天衢

學步尚盤跚

時有足疾

登科好語口流涎劣得親嘗味淡然祇為素無溫飽志翻愁
身世更牽纏

失莫憂思得莫歡世途無水自波瀾陳郎面目元如故不受
時人洗眼看

○出都 是日殿試

題名浪逐看花伴去國還同落第人辛苦為山功欠簣歡欣
對酒味沾脣禁廷清切延多士寒柳飄蕭送病身到處雲泉
吾有分觚稜回首在高旻

歸途

引疾遄歸去中宵載寢興霜籠平楚樹風壯大河冰天末尋
詩句萍踪得友朋猶餘惆悵意岱嶽未曾登

真有嵇康七不堪不緣疾疢也抽簪行追賓雁行將盡歸及
春梅蕊尚含馬力健知遊冀北櫓聲柔覺到江南還愁釜甑
塵封久未許先生一醉酣

次韻荅同社

永日陶陶似尹班
匣琴流水與高山
推排偶到雲霄上
位置終宜邱壑間
旋撫春醪同石友
便開殘帙掩松關
此生的有江湖分
敢道天公賦子慳

山居

甲辰歲携從學者借窻高道泉山居

拙疾常相倚
思隨麋鹿群
湖光林表合
嶺勢席邊分
夜讀驚山鬼
朝吟對渚雲
迷途猶未遠
應免勒移文

山樓春望
小雨忽霽霽後復雨

造物弄春妍
晴雨倏而變
濛濛花上浮
杲杲林端見
坐觀林端影
不覺花如霰
回頭數落花
流鶯恰一轉
艸木太多情
向我呈婉孌
早暮無定姿
年華逐奔雷
老僧獨不知
空堂壁長

面

與星旋釋

爾我各異趣
青山為之媒
爾心與山靜
我心對山開
山意不將迎
能通彼我懷
書聲雜梵唄
瓶鉢偕尊壘
大道固無碍
何從起嫌猜
推窻月皎皎
梅花點蒼苔

朝入山

晨興足力壯
勇往赴所欣
青山在吾眼
烟靄遠未分
一徑指岑巖
半嵐冒朝昕
雨氣忽而合
亂踏荒蹊雲
達此甫數日
林色燦已紛
觀物自得性
塵累方鋤耘

上巳後集張氏海棠書屋

短檠曾記讀書堂似燕來尋舊畫梁一詠一觴閒事業半存
半沒小滄桑綠楊影裡携山屐紅雨聲中問海棠傳語春光
莫飄蕩幾人準擬看花忙時會試待報

畫八駿歌

昔日畫工圖八駿麒麟龍鳳蟾蜍然堯舜目亦人爾蛇身
牛首何有焉愚夫好怪不徵信遂爾詫歎相流傳今觀此圖
絕雅正八馬俱可馭且牽一當風嘶一齧膝一俯齧草一飲
川一高駝駝竹批耳一回虎脊花文旋一匹翹足氣閒放一
匹蹋地吻向天是皆日行可千里未受羈絡施策鞭吁嗟此
物何須鞭一朝追風去如烟飲沙噴玉瑤池邊空留形影丹

青裡要使人看骨相全

山深

山深寺貧草木長鐘魚無聲雨淋浪禪子洗鉢掩戶卧吾徒
觀瀑緣高岡是時夕霽日氣上照耀雲竇紛青黃水聲激激
石齧齧當夏濺雪飛輕霜此境寒凜難久駐相與淡漠田空
堂一陰一陽倏明晦夜來鳴雨仍殷床

雨酌次秉衡韻

適我衝泥渟歡言具綠醴避人雙眼白懷古一編青坐密今
宵雨交稀向曉星無為歎淪落天際有鴻冥

衝風效康樂體

詩集 卷二
山棲愛風林水行懼風色風林玩調刁風色戒顛躓觀物物
無違在境境多塞動靜使之然即事有失得

古意呈北平黃公

孤相抱高韻根株半生死伐為爨下薪灰滅分應爾幸蒙君
子聽驚詫笑相視絃以園客絲徽以九寡珥一彈再三歎危
苦不余鄙是時帝張樂鏗鉦動宮徵此器獨渺默別調寄山
水峩峩復湯湯誰不充其耳黃金鑄子期夙心固如此

偶興

不踏東華九陌塵清泉白石結為鄰偶歸訝許門前屨問字
人兼責債人

逃虛時喜足音疑人在春山第幾峰望上南樓君不見斜陽
倚遍數株松

首夏

首夏氣龍嵒林閣樾蔭通人方逃世外天亦在山中雨暗千
巖綠晴開半野紅坐深溫石蘚見慣狎樵翁雲卧炎還冷禪
花色是空汲泉今月影煮茗候松風生計甘匏繫攀留有桂
叢何當素心者清夜理枯桐

九秋

秋光醒我夢曉起思悠哉月路微茫在戾門詖蕩開明霞飛
碧海清露點蒼苔此際卷書坐西山爽氣來 秋曉

蒼蒼杳無迹時復起寒烟遠渚蘆花白長天雁字聯雲移地
上日月蕩水中天幻作秋來影虛明到處禪

秋影

震雷不足訝可訝是秋聲入戶偏相感無風亦不平鉞錚壯
士耳蕭颯旅人情啟戶西南望空庭只月明

秋聲

人心隨物化秋至更悠然清氣入肺腑高懷逼神仙愁余風
嫋嫋望汝月娟娟獨抱無窮意挑燈手一編

秋思

物我俱秋矣衰容可奈何塵消空宇宙木落瘦岩阿霜雪為
膏沐楓林當綺羅倚樓還攬鏡且復醉顏酡

秋容

何處防秋急秦城與漢關班聲驕馬意勁氣拓弓彎雕沒黃
雲裡沙飛白骨間征衣幾時寄明月望刀鐮

秋塞

人及年光感憐君獨後時功名將去燕容貌欲枯枝太息邀
蛩和芳華借夢追猶餘傲霜骨肯浪發秋悲

秋士

閨陰偏早霜涼月照空床墜葉愁邊響吟蟲靜裡長恩踈悲
故扇情在呢餘香小立閒階畔芙蓉閱晚粧

秋閨

舍外留町疇登登築使平納禾斜日影打稻有年聲寒雀爭
來啄西風掃更清兒童騎竹馬叫噪學逢迎

秋場

移居東田

甲辰膺月遷居東田

出郭直東望烟水綿村墟肅肅雙柏古烏雀欣相於延綠葦
間棹登岬即吾廬吾廬無結構中外何單虛其外天宇曠阡
陌縱橫舒中包地百弓可植嘉卉蔬始遷臘月半愆陽夜轟

言集 卷二
如雷雨撼床榻擺挾驚以吁詰旦變寒栗霰雪填汗澗時令
劇怪異無妨我安居開門納山色高寒映庭除集羽落松雪
瑋然碎瓊琚一笑把村醪渺與人迹踈迹踈道轉親歲卒行
復初遲我二三子來此理群書

農郊歌

農郊五月天陰陰黃犢如虎秧如針男婦早起催結束快踏
溝車峙畚揭車聲間關水遠軸勞歌短長不成曲晚看日脚
黑雲低明朝翻盆雨來齊天工愛惜農夫力高掛溝車飽康
食

郊居

羨喜郊居僻深山氣候同水涼能減夏樹老易添風竹幌延
寒碧松窻碎晚紅物情容我懶不復矚牆東

理敗竹園

竹林年歲久厥土已疆隳陳鞭莽回互糾結不可撼雖有新
根株生氣日闇黠徒為羊奚比不見稚子姆老陰不生育此
理古所諗呼僮厲長鏡一朝痛誅斬譬如治身疾癥結去隱
憾關節既開通重閣乃澹愔數竿留蕭蕭綠淨不須染風來
自解笑君笑吾亦領明年長龍孫穩辨移夏簟

九日

應為秋霖菊放遲無人送酒及芳時去尋北郭能詩釋素更

訪西郊老畫師楊子鶴喜有遊人雙翠袖
閒逢御史一筇枝西

自笑

不成從宦不成隱亦傍山樵亦傍農
萬事筭來同畫虎三年學就是屠龍書
緣借得看逾急友為無多誼轉濃思
獻至尊無別物茅衡曝背過餘冬

過蕩口訪李芥軒偕詣華鵬遠宿

細雨孤帆入渺茫迎船鵝鴨是西庄
溪南急往邀辛老河渚偕來得仲長
君目偶盲明內照我心多病乞施方
留連許結忘年契更起吹燈續短章

除夕

歲月驅人載驟駸白頭渾不稱華簪
身猶未許留雙璧家得粗安抵萬金
小子業文教入格稚孫學語強成音
門前應有飢寒者人事天時此夜心

寒蟬歌

秋風日蕭騷木葉下遠臯寒蟬不知時
殘陽苦吟號雖號韻不長似訴中心勞
中心勞兮可奈何來日短兮逝日多不
如收聲返太素誰憐汝尚有螿螂怒

柳枝詞次玉才韻十首之四

娉娉孌孌倚汀潭似訴東風力不堪
管領春情隨地好最宜

人處是江南
陶令門前最寂寥五株離立復輕搖先生也有閒情賦觸撥
風懷是柳條
羌管聲中合斷魂幾時重把別時樽人生不及堤邊樹萬縷
千條總覆根
蕭索情懷秋士同寒蟬嘒嘒噪西風却憐衰柳如新柳猶自
低昂夕照中

集王學舒松筠堂

高會移蘭棹江涵含影涼送青山十里滴翠木千章自接風
流座何分上下床暮看星聚處的水雲鄉

秋柳次孫陶菴韻

天涯到處別離頻濁水泥分清路塵今日相看憔悴甚樹猶
如此况于人

瘦損腰肢泥醉酣舞翻晴雪落髮髮春風不復相擡舉冷帶
疎星浸夜潭

遠渚踈踈望若空半年遭雨又遭風人情若解相憐愛何必
春三二月中

孫士長孝行

石孕猶認石空桑尚知桑生身非木石未識爹與孃何異具
兩眼不覩日月光所以孫孝子號眺求無方宵卧目炯炯晨

興淚汪汪精誠感神授恍然侍親旁寫死如寫生繪像懸諸
堂出必捧以行瞻拜以為常明知此何益沉痛迫中腸致語
具慶人膝下莫相忘

觀穫稻

輕霜堅穀房晴日燥禾豪婦子競歡趨腰鎌去獲稻三把作
一束手捷如風掃築場鏡面平擔婦忘遠道月下耒響清夕
陽杵聲好雞登高廩啼兒抱飯甕繞無田住田間我亦開懷
抱

丙舍餽餘示子姪

幼侍祖於斯提携處末座長侍父於斯位居下之左漸漸以

次升又在中之亞今番忽衰然俯仰自驚詫無多叔與兄不
來某則大後顧人愈多前瞻無一箇君不見墓上之子日以
新墓中之骨日以陳陳新相隔日以遠千秋萬歲知何人

田間招友

黃梅雨無多潦後不嫌少東臯遍移秧歲事敢草草田稚如
嬰兒農夫以為寶遠風披拂之顏色日媚姣時啓柴扉望四
際青未了積翠不可極遙山一橫掃碧樹襯丹霞竒情在昏
曉我友城中居逼塞寡清眺何不竭來遊聽此秧歌好

秋胡詩

離別迷年月歸來欲及家相逢采桑徑輕稅路旁車妾貌君

知悅君心妾自嗟不堪論咫尺况乃在天涯鵲漫今朝喜燈
虛昨夜花不夫那作婦沉痛賦懷沙

夏日閭居

華滙村邊住遊心到物初空堂惟硯席四面各犁鋤勞力渠
無忝逢年我不如庭柯空老大無乃是莊樗

買靜真無價長貧斷俗緣農談隨口答書味稱心研笑倩風
前竹吟賡雨後蟬未容五柳宅獨占北窓眠

此間朝暮景慳與外人言霧氣能蔽野霞光忽滿門雲峰當
北牖雷雨在前村竒思填胸臆狂呼酒一尊

荒園唯一畝瓜菜足盤餐小試樊遲圃時歌子夏冠愁來天

宇窄機息井蛙寬適興成詩句從他字未安

哀女孫痘殤

謂天為不仁胡以生且育謂天為仁耶胡以斃之速吾觀孟
春時草木咸勾萌苟不遭採捋靡不蕃以榮方長而折之斷
樹非其宜則曰逆天意仁者所不為胡天反為之降割于人
斯或云天生物猶之母腹子母慈子亦天天仁物亦死同於
無奈何非天欲如是若然上天公甚為未神靈天尚不能主
人將誰稟令其理不可解所以軋竺說前今及來生輪轉如
一轆各各相報應恩讐自尋覓孰與證其然投筆聲哽咽

坐雨

紅芳助春暖碧滋生夏寒雨葉欲委墮風枝如相歡有鳥顏
色佳一鳴即舉翰時運感我心默默憑闌干

春社樂歌

有年兮自古率婦子兮樂田祖楊柳兮青青籩紅旗兮遠汀
坎擊鼓鐘鳴鉦兒童前導行且停老農偃其潔誠神之來兮
薨薨

神將去兮安往恍越陌而度阡駕村墟之遠烟與歸雲兮後
先殺盈案兮酒盈斛歌呼轟喧兮於茅屋人醉四散鳥啄餘
肉

田間問答

屏居農埜久習懶癖已成飛鳥集掌食蔓艸侵階生十日雨
瀟瀟鼃黽跳簷楹野老來慰藉母乃太妻清多謝父老意困
之話平生少壯曾努力博採時俗名若復厭岑寂何不留下
京世路雖偏側亦可跼踏行胡為來此間占彼鷗鷺汀作人
貴終始高歌掩柴荆

感秋

含意如無意忘愁定解愁廢書時一歎閱世有雙眸露鶴清
能警風蟬咽未休端居消白日又到半年秋

聞恩赦喜吳青浦師得歸

七年叢棘泣孤臣終沐天波煦涸鱗三徑未妨松菊在一官

贏得鬢毛新催科自拙難為考桃李雖我不當春辜負東堂
兩青眼此生重見恐無因

夏晚

不成村落是吾家半枕青山半水涯間與散人栽杞菊曾聞
天子樹瓜華雄觀笑電拖金帶奇絕崩雲化綵霞羞喜眼邊
空濶甚蚊蚋何事早排衙

與借山釋

緇衲相逢輒皺眉惟公一見愜心期詩同白閣清吟日道異
紅樓奉詔時闕里曹溪雙下拜牙籤貝葉合携持明年報我
匡廬隱一片孤雲寄夢思

答李芥軒次韻

吾生何事不叢殘近學榮期善自寬鷗鷺渚邊分席易火風
輪裡立身難肯將白首因人熱間與青松保歲寒好在夕陽
村畔叟吟肩雙聳倚筇看

訪沈歸愚不值

夫君名噪性情閒小隱靈巖沙汜間為探梅花帶香訪又携
詩卷度春山

春遊

把卷嫌淡泊拋之且出門雨風蘇病樹花柳富貧村好色天
公眼顛狂杜老魂獨吟還獨笑送老信乾坤

詩集 卷二
天亦媚斯人塵寰簇簇新暖風斜日裡活水綠楊津十步九
回首一生幾暮春歸來呼嬾婦倒甕答芳辰

題荆南小照

謾謾風前毫頰親不將儒服混天真酒香茶熟閒開卷自是
吾宗澹蕩人

詩集卷二終

詩集卷三

辛亥至甲子得古
今體詩七十七首

應聘赴江寧修通志別東田

海虞陳祖范著

正得幽居適戔戔促我行寄孥言子巷于役秣陵城桂作留
人色梧為惜別聲竹兄兼石弟箇箇暗闕情

吾豈匏瓜繫聊為載筆遊此生幾緲屐到處一虛舟少日經
揚子秋風渡石頭重來心迹異白髮映清流

龍潭道中

向乘輕舸指江關愛看江南遠近山今日吟魂渺何處籃輿
穿出數峯間

呈志館諸君子

吾黨素心人生長異鄉縣聞聲輒相思相思不相見難維訪
戴舟何由接歡讌忽胥會金陵文字假方便因之偶賢達自
顧忘鄙諺磨礪石攻玉結契肉貫弗檐雨落燈花牕月垂文
練夏晚葛衣輕春旭鳥聲善何時不與同觴酌恣游行停觴
撫懷語斯樂非久戀盍簪今勿疑離群始追羨他日更相思
子面如吾面

遊清涼山寺

聯騎趨山寺名園若比鄰江山千古淚花柳六朝春徑轉藏
雲壑林開散錦茵高標回首處閣道逼蒼旻

登掃葉樓在清涼寺

萬里長江忽眼前為憑樓勢據層巔春城景物詩中麗高會
人風望裡仙一首冠塲劉夢得三山懷謝李青蓮事同落葉
隨風掃目送還雲一惘然

寓舍巢燕

忽看泯泯掠庭除下上雙雙信所如留語多時勞睇盼不知
何事愛吾廬

槍榆短羽息飛軒海燕心期好共論為語汪汪黃叔度九重

自有舊巢痕

黃唐堂來觀
欣羨故云

烏衣舊巷在城南故國風光與細譜汝自為家我自客伴人

岑寂語呢喃

贈王晴江

廿年踏損秦淮土
蹭蹬齷齪不足數
茲之來兮心則降
開顏晚識王晴江
晴江先生少年日
錦衣玉貌明霞月
千金一擲等錙銖
萬卷堆胸氣律屹
鶴天鯨海聲價高
投轄置驛賓從豪
玉堂清冷不肯住
簸蕩江湖任所遭
晚乃收身佩銅墨
種秫栽花鳧一隻
生憎對面謝宣明
投劾歸來脫輕幘
君不見盧仝破屋纔半間
李白白髮長三千
擘雲心事尚如昨
那能逼塞仰問天
先生携我恣登眺
六朝勝迹遍憑弔
歸展清涼山墅圖
神摹意搆捻虛無
凡亾郭在爭幾許
且復提壺滿眼

晴江有清涼山莊圖長丈餘亭臺園囿之名皆出意造實無有也

壽王僉憲西澗八十

先生白簡著朝中年輩而令孰與同
千樹桃花栽別觀
五株楊柳自春風
聊焚諫艸稱詩伯
久逐扁舟作寓公
惇史脩知前代載
問奇不厭答春容

壽陳榕門母七十

蕊榜曾叨弟與兄
卧樓驚座分難爭
斑衣進補升龍袞
公鼎親調遺母羹
應壽有星南極朗
忘憂是艸北堂清
家居各擅虞山美
仰止終依八桂城
桂林亦有虞山
至日呈志館諸公

宵寒起拂髻邊霜至日淹留舊帝鄉老去光陰添處減客游
風物短中長詩篇擾擾催題筆羽好時時促舉觴慙愧隄糜
月有給漫無一字補書倉

贈別程得莘同年

北平門下士突兀見長身終歲余留止同年汝倍親兩花懷
妙諦桃葉訪前津問酒錢隨杖探園草薦茵劇談燒燭短考
古卷書勻甲乙消疑論東西合主賓雖然心未槁頗覺鬢俱
銀捧檄情知淡徵蘭兆祝頻庭階同茁玉池草並生春
得莘與從弟啟生俱未得子故云芳訊憑江鯉東流到海濱

黃唐堂宮允庭中假山次韻

廣除殊濯濯庭隅忽叢薄乃是蓬瀛仙清興所栖託移去良
為愚飛來詎非樂壺中見九華滄海歸一勺不要六鰲冠居
然五丁鑿拔地起松筠隨時茂花萼真有芥瀕彌莫測胷邱
壑小隱便買山健筆復搖嶽池涵星數點石觸雲兩角但可
對吟哦蠟屐無處著余亦小山徒繼組資盟噓

答任翼聖計偕留別

往還多面朋孰是心所同鄉舉忝伯仲時論推雲龍一友教
四方一匿影蒿蓬相見苦不易終歲欣相從得窺所學富飽
聞議論雄冥搜力沉着集益心虛冲烏能石攻玉愧用筵撞
鐘聖籍久黯躒遲子發群蒙斯行匪干祿要展經術功析理

戒穿鑿守道無窮通釣鼈不釣魚君家有任公

癸丑元日

是歲分修彙成不復往江寧秋高制府聘往
鍾山書院辭之雲南尹制府聘主五華書院
之辭

平生好努力自視猶稚童歲朝拜嘉慶兒孫列堂中各各能
致敬始覺余老翁五十又加八眼昏耳不聰歲月足把玩何
以荅化工身世久相棄身心尚相從猶當勤料理無使墮虛
空君看窮次日東方復瞳矓

贈勞尊三解任

琴水分疆銅墨新八年子惠政無倫能為名宦真名士可念
行春忽送春口腹累人知己免手書求判不嫌頻仙鬼舟舟

朝天日馴雉飛飛引子辰泥飲田家聞說尹獨婦蓬華與誰
親相思夢遶晴川樹中有忘機抱甕人

禱雨辭

癸丑夏旱邑中禱雨古無符籙之術祈祀山川百源
零帝而已零之為言吁也吁嗟其聲以求似宜有辭
而辭不傳聊為補之以致下土蟻蝨臣之悃云

嗟斯人之薄祐兮吁樂歲猶終身苦兮吁况連月之不雨田
禾槁而龜坼土兮吁嗟去秋之漂沒又重以疫厲水死者無
處求醵兮吁餓死者道殣未瘞兮吁病死者新鬼逢故鬼而
睞眦兮吁嗟此汗滴禾下土者乃是水淹餓羸病未即死之

子遺兮噫吁嘻欲岸兮無水有水兮無力有力兮無食况三者之同盡兮叫蒼天其焉極謂君不仁兮賑貸稠疊謂吏不良兮痼瘵身切謂吾人有罪兮豈淑慝之罔別謂上天其樂禱兮天必不然謂神聽其不聰兮何神之有焉吁嗟吁嗟早一日救萬一

題高且菴畫飢馱圖次沈子大韻

載形大塊內罔不愛厥生飽為熙怡色飢作酸嘶聲人為可憐蟲彌多慾與情爭食無牙爪青蠅等營營朱門臭酒肉造物何不平夫惟曠懷士豐畝兩無櫻堅坐馱不動蟬腹同虛清

誰與為此圖凜若圖北風單衣聳兩肩柴立如枯蓬異類乃同病號啼向蒼穹自非至仁心痛癢不在躬那知飢馱者迫於雀投叢居高鑿窮簷意到物象從昔賢繪流民入告天門冲清時不須此徒觀畫筆雄

吾見擾擾者飢驅亦名馱飢驅氣憔悴名馱色敷腴九衢紅塵中輪蹄地無餘集如慕羶蟻貫若同隊魚何當暫息機呼酒黃公壚勿競夸父走端居古為徒

甲寅元夕昆弟小飲

今夕何夕惟宵之元雪霽雲收朗月破昏兄弟具邇有酒盈尊聊用申寫春風孔温

念我至戚誰在誰亡一二兄弟會短別長俱已頭白為樂無
方傳觴訴懷欣慨交腸
童稚侍側亦各有慕勿以吾輩妨彼歡趣任汝出遊踏燈載
路歸省老夫甘寢未寤

自紫陽書院歸朋好索然感而有作 在乙卯秋

鬱鬱楷樹枝旅翮翔集之衆鳥乍相識頗亦慕其儀歲晏還
故林桑梓相因依佇立望儔侶儔侶何差池各有稻梁謀天
寒羽單微求友聲嗷嗷曷由慰渴飢

城西泛舟

朋來破寂共沿緣老去尋春亦可憐牆角花枝聊復爾津橋

柳色故依然誰家綽楔侵雲際易主田園傍水邊即事欲吟
吟不穩東風為我作狂顛

悼亡五首 時丙辰夏六月
繼室朱孺人亡

恍兮疑在閨兮空白日昭昭長簾風石闕啣悲蓮見蕙低回
三十一年中

我輩鍾情故自長別于垂老更難忘不如晨牝兼獅吼少下
今朝淚幾行

出門交寡入門求晤語居然近上流寂寞於陵殘紵縷他時
誰復謚黔婁

悲思三月損容肌霜益粘鬚鬢益絲恐負生平憐我意從今

忍不復相思
何必他生訂會期相逢即在夢來時
烏啼月落人何處
又是一番新別離

覺老

常年不服人稱老
近覺支離老逼真
炳燭有光彌愛日
好花纔對已傷春
尊前無事溫閒事
夢裡逢人盡故人
攬鏡看時還獨笑
可能霜鬢鎮鮮新

書院早起

忽荷緇衣好
延來絳帳中
飽聽春夜雨
待拂座間風
時生徒未集
楚國孫卿老
西河卜氏崇
勉為知己住
未苦畜樊籠

即目

鷓鴣鳥多智
翩翩館我家
營巢即孚子
敲口開呀呀
哺餵互拮据
往返相歌斜
長成教之飛
一飛落簷牙
再飛上苞棚
三飛裊矜誇
日暮齊歸來
母子相喧譁
羨汝兩月間
生聚完且嘉
明朝忽不見
棄我向天涯
遺我一空巢
頽盼神傷嗟

聽蛩聲

衰耳易為感
復此西堂鳴
生意能幾時
不肯藏其聲
聲徹天欲老
壯士心膽驚
明旦清鏡中
霜髮添幾莖
空懷強吟詩
調促蛩載賡

輓邵中丞學址

金蘭車笠古稱難况乃音塵了不干何意姓名聞左右便輸
肝膈與單寒焚香擁彗驚時眼析義論文結古歡老淚未曾
容易墮撫琴今日獨汎瀾

歲暮短述

書臺席未暖

春初先應書臺山長之席

講幄又春風

書院有春風亭

儒術迂踈甚

邦君禮數隆世情朝暮市天道往來弓硯北身無恙歸來守
桂叢

丹陽舟次二首

黃北平師相邀至濟寧時戊午歲三月也

舟踰丹陽郭通津忽云阻厥阻非偶然形勢有端緒大艚恃
雄強持重善捍拒百夫挽不來千手推不去叶遂令蕩蕩途

偏窄似洲渚來往舟競前左右篙如舞肩比必擠排尾銜則
鈎距中有毫髮容伺隙爭進取相持兩俱窮不得稍吐茹欲
速反更遲艱哉奈何許後至徒喧呶通塞豈在汝寄語行路
人且各循其序

今古此川途行舟各小大大舟高駛駭所向輒摧挫小舟質
輕脆卑陬如下座人乘大舟上聲勢雄以剛指揮順風呼左
右同驅羊小舟向面看意氣已沮歲吞聲忍避之誰敢相頡
頽小大倏易位其人互低昂貴賤在所乘何足生慨慷

泊淮安

淮陰逢夏首漕使列旌旄城郭金堤護帆檣玉粒高時清惟

貢賦道孔足波濤誰識風塵裡心間不覺勞

宿汶上

疲役慕即次呀然遭汶河汶河半枯涸軒豁呈陂陁兩岸明
白沙遙山障差莪其深可厲揭僕馬牽以駝危渡宿津口懷
古發嘯歌歸田在何所避宰安置家下及高杜輩相逢此寂
多夕風浩茫茫一鷺立清波

趵突泉

自昔稱原泉汎檻各殊勢無如此趵突靈異呈水裔池君善
狡獪江妃自娛戲不搏忽跳馳一泓亦澎瀆或若魚吐沫串
串明珠細或若鮫人宮亂擲冰壺脆得非陰火燃洶洶燖湯

沸不然是海眼漏洩坤靈氣瀑布天垂紳此如大塊噫風水
同一機衝竅作噴嚏未通造化理形索費擬議聞自王屋來
屢伏始出地滙為大明湖東流作清濟隱見非偶然觀者徒
愕眙

泛明湖飲歷下亭

世間萬物貴得名我來先問歷下亭今朝始放湖中艇蘆葦
蒲稗相遮迎風吹簌簌如雨至數轉乃見亭觚稜池亭水木
極明瑟濠梁魚鳥怡性情敷坐杳在青蓮界啣杯已復白日
傾前浦閭井勢浮動遠城山岳空憑陵白蘋洲連綠柳岸夕
烟初漲曉月明爾時夷猶任孤棹吳歌小海小洞庭遙知此

詩集 卷三
趣更幽絕何似東藩皂蓋停

鄉試日呈崑圃師時師為山東藩司

賓興屈節事紛紛使者星馳士簇雲十五萬人齊握管普天
今日是同文

半生箇裏老光陰談虎翻萌見獵心袖手閒觀無一事子期
側畔理瑤琴

藩廨園中

深迥藩維地閒園謝俗塵蒼蒼雲木合曲曲藥欄新幕映蓮
花麗厨供菜甲貧南樓興不淺時此偶嘉賓
首夏忽深秋薄遊成久遊欣逢張仲在時與張實甫同署共憇水亭

幽雨玩荷翻蓋宵延月上鈎百回來不厭氣味即滄洲

感物

勁秋忽侵逼締綌等浮塵輕薄不足恃開篋理衣緝與汝別
經時還復着我身衰敝兩無嫌氣味如故人故人不可見故
衣手所紉感此三太息階前雨泯泯

實甫畫園亭繫詩贈別答之

雪鴻踪迹此盤桓秋袂將分各歎歡他日相思抵相見殷勤
頻展畫圖看

何事都忘爾我形畫中人清風明月為誰停若還識得忘形者

此亦堪名歷下亭

舟過相城

雲水和烟淺作春微風棹破碧粼粼彌天險手高人筆如此

村墟大有人

姚少師沈石田皆相城人

將之彭城同社讌別

已未徐州守石虹亭聘主雲龍書院

心形灰木髮飄蕭淮海維揚取道遙去住片時同嘯詠雲山

千里各風騷黃茅岡畔茅應翦放鶴亭前鶴待招差喜邦君

逢萬石高懸一榻咏場苗

雲龍山

直上虛亭攬勝全彭城簇簇起人烟盪胸一抹黃流猛放眼

三方翠巘連秋鶴任飛霜月曉春衣初試杏花天

東坡雲龍山下試春

衣句今有亭

風流勝賞分明在前後相望思渺然

偶述

垂老翻于道路勤大川喬嶽思欣欣纔吟歷下亭中句又讀

黃樓柱上文險鑿呂梁輕鼓柁時清芒碭不生雲雲龍山畔

無餘事卧看天西納夕曛

登山放歌

平生萬事皆埃塵已遣荷鍤隨我身剩有一事未割捨顧佳

山水如朋親有客盛道雲龍好登臨大足開懷抱竭來果不

謬所聞寢魄雲霞度昏曉洪河萬里拂檻流郡邑千家點煙

小忽然四望悄而悲心奢興豪力不隨欲躡巘足卻曲欲

探遠景眸迷離欲竭吾才寫壯觀萬象驕不隨指麾辟如對
食不能咽譬如見色空相羨江山雖好奈爾何不如歸去老
盤阿

夜坐

紅霞剛斂彩素月已當筵晤語留佳士秋聲感長年橫陳山
悄悄倒影樹芊芊笙鶴如相過予猶劣得仙

城南紀遊

仲秋風日清蕭然岸輕幘言從城之南左右尋往迹初過亞
父塚山赭高岩峇埋恨草不生好奇血空碧斜對陵母墳知
興愧中愴成敗亦偶然智愚詎相百戲馬已無臺陷地馬柳

石圓滑光紫瑩想見繫騅勒荒菴柱龍盤疑是舊臺碣掛劍
處非真亦堪動欽惜陡上石佛寺穿過夕陽磧虛亭面西開
仙禽所矯翮直視浩無垠旋觀勢阨塞山河相縈迴郡邑攢
咫尺佳處領其要遊抱此最適

遊宿朱氏庄次日登天門山抵皇藏峪

異地探幽興不讓籃輿風舉度雲根西南行入羣山圍信宿
邀留白土村朱氏所居古寺鐘聲敲象鼻峪中寺在懸崖樹
色隱天門山木多檀歸來迴眺曾經處細躡飛蛇路有痕

歸途紀事

雲龍先生歸其家諸生追送滿水涯擔致菜把及囊粟提携

言集 卷三
醬甕誠有加先生百辭一不拒便遭關吏相叫牙關梁重重
淮揚道伍百睢盱厲角爪鮮衣廝養紛指麾倒甕探囊恣搜
攬勾留不得迤風馳行遠還教疾足追銀鐙榜人坐隱漏罰
緩倍徒尚有奇諸生惠我為我歎悔不麾擲河之旁漁父覩
我意色惡笑我朱愚未寬綽君不見蟹輪芒稻鴈輸蘆海闊
天空猶納課况伊平地斯人徒

西郊泛雪同茶圃

漫空輝素作新年爆竹聲沈突少烟呼起閉門堅卧士同操
乘興泛溪舫白雲鄉杳茫無地羣玉山高凍合天誰道凌兢
埃塹表有人相伴聳吟肩

懷舊

露滑王丈亡予在京師秉衡侯君亡予在吳門子重王丈亡予在彭城

同社交情數尹班如何去住不相關謂言短別成長別當我
未還先大還宿州但判車過痛寢門無及淚流潸秋風芳艸
年年歇又對長江憶故山

記夢

失吾母兮五十三年昔髫稚兮今也華顛匹偶再喪兒孫滿
前不農不仕踰山涉川忽忽人世茫茫術阡意思零落惟食
與眠能復幾時奄歸黃泉上帝掌夢憫其不天動其初心如
客得還夢母初亡襲牀未遷連號阿孃擗踊殷田作嬰兒聲
汪淚漣漣欲覺難舍欲留不延安得頻夢竭兒情焉

桐城方貞觀寄詩稿書贈

淵明嗟道喪人人惜其情非止口嗑哇惟恐風波生就令詩
言志有懷詎能傾轉喉防觸諱順吐必逆撻捩拾為大尤塞
兌乃得寧漫云教溫柔本無不平鳴肺腑一字無月露連篇
盈掩卷想誰作曾不得主名以茲繼風雅真贗誰能爭我讀
貞觀詩則知貞觀誠軒豁露肝膈拓落輕譏評出語中道要
破的無浮聲惜哉兩白首未一接顏形相識不在面詩中自
分明

○登大觀亭

時歲在庚申安慶臬司
劉蒼岩聘主敬敷書院

長天秋碧一亭孤下上風颿勢可呼江向此間分左右地

從何處辨荆吳面當秋浦千重嶺背倚龍眠一幅圖清晏不
須論險要海門鐵柱久糝糊

將歸作

片雲偶不戀巖阿又被風牽奈爾何雨漲雷池魚味美秋連
彭蠡雁聲多書來千里挑燈展事隔三生借夢過終歲淹留
緣底事歸橈款款漾晴波

樅陽阻風

盛唐東邁薄樅陽漢武歌聲擊汰長萬古江流予暫泊歲寒
風雪思茫茫

偕東淑過吳友篁

七十二峰際伊人宛在斯到門憑鶴報宿約有梅知湖氣通
書幌山光落酒卮為貪林壑美隨處立多時

吳季子祠

闔閭城是紛爭地何處容君香火祠清絕莫釐峰一曲盈尊
湖水薦葦絲

示慶社

無心插柳暮江邊簇簇生稊亦可憐且以娛吾晚晚景料難
俟汝長成年側生佳果推丹荔旁出清源是沈泉未必人情
似安定祗愁見鄙不能賢

偕唐赤子胡復齋鄭板橋查星南集馬秋玉昆仲林亭

時在揚州主
安定書院

馬家有二美好客竭情愫招為文字飲林亭朴而趣時當盛
農節油雨忽布獲知是雨催詩輟酌舒毫素波瀾入吟懷吐
納有神助雨霽章亦成雲散東郊路

移梅花書院

時訥公
將至

偶移賓榻傍園林為避雷車動地音夏日照人真炙手春風
入座淡無心雨餘蝸舍隨身徙野外垣衣望戶侵住此不須
論久暫烟霞早晚恣探尋

送顧脩九之長沙

子從燕市來又向三湘去相遇問歸期歸期渺無據男兒揀

翼飛且鳴安能雌伏戀蓬衡蘋洲楓岸香蘭杜滿把風騷賦
帝京

海月歌

我來正逢八月望臨觀滄海開心胃爛銀盤從東溟出俄頃
冰鑑懸太空重昏夜曉魑魅伏晶光直射馮夷宮馮夷之宮
萬靈集天琛幽遐匿千重或為珠淚拋的皪或為鮫綃卷玲
瓏或為吞舟跋浪之長鯨或為風雨變化之蛟龍魚蝦萬萬
不足數莫不呈形騰彩明月中金支翠旗恍明滅上下一氣
摩青銅妖蟊貪婪肚腹瞞慣能瞽瞎天眼緣蒼穹而今貼死
虛無底恐遭天刑剝腸兇白榆無光五緯在芒寒色正垂至

公此時世界無纖翳呼吸帝座疑可通鵬翼空大不足附那
能遲緩培天風逕排閭闔叩廣寒橫度三山水外峯

或詰予不復往江都書院之故答之

絳帳虛名寔不知海王國裏住多時平生慣到中途廢已老
何妨徹底痴騎鶴上來真漫戲嚇鷄飛過免相疑養疴閉戶
焚香坐檢點殘編有所思

九兄還縣

行年近七十萬事付秋籜出門交世賢世賢尚酬酢深恐言
貌間任真多謬錯素懷頗不耐急思解其縛歲暮歸去來親
朋盡凋落笑口無與開彌復苦蕭索忽聞烏雀噪和風破花

言集 卷三
萼吾兄挈孀還白首同棲托孩稚戲牽衣相對情如昨子姓
儼成行仰面我與若生理雖艱難且共天倫樂

壽何節婦

閨中完節總一致難易奚啻什百分予觀何婦陸氏女難哉
難哉未升聞壻非蕩子少隨父暫歸就婚不遑處名為四載
喪所天其寔五月已棄捐五月之中幸有身父歿京師子三
齡名為三齡喪厥父其寔生不識嚴親沒後三年舅還里始
為婦言子已死可憐前此六年中日夜望歸歸邇止誰知夢
寐想容儀久襯燕臺飽蝼螿不是投荒禦魑魅不是沙場守
烽燧曷為拋擲連理親生死茫茫無箇字肝腸寸寸斷奈何

刀繩鳩水途孔多回顧稚子俱不忍且復隱忍勉受瘡事舅
舅忘失子痛撫孤孤賴母慈和於今百齡已及半剝復相尋
理回換他年令子哀籲天旌門盛典幽光燦

友篁倩葉震初為余寫照

與君交到忘形日重倩良工寫我形添得一身作伴返間時
相對眼雙青

寄沈歸愚

把酒論文記往年隱侯格律敢隨肩宮中久識元才子明主
終收孟浩然鶴怨猿驚懷故地馬遲枚疾鬪新篇嗤予守兔
清江曲燕樹參差悵各天

送茶圃訓導宣城

老為千里別何以遣離情道在官無小風清官易成議參秦
博士詩繼謝宣城遙識青衿子趨風江畔迎

詩集卷三終

詩集卷四

乙丑至甲戌得古
今體詩五十五首

海虞陳祖范著

移居葛家街

七度移家此覺優閉門居士擬休休花枝照眼思成句山色
關人數倚樓已買小鋤躬把握更添修竹助清幽耕烟埜鶴
鄉人畫分掛軒亭好卧遊

吾生底用強為優料不如人即罷休狂撫雲山為我輩

唐人語

稍容弟子上層樓黃團紅皺依簷麗白薤青菘亘圃幽傳語
素心人幾箇閒時披草屐來遊

秋懷

言集 卷四
世事紛何有秋懷淡欲無
圃荒留蟋蟀身老信江湖
疾便書遺囑貧還得故吾
天涯知己在牛馬任人呼

張天扉輓歌

南華張君紫烟客偶落塵寰歸不得
便隨人世作語言鶴天鯨海分標格
早歲搖筆壓士林風檣陣馬懸河深
旁觀駭汗君莞爾使才未盡如無心
興閒潑墨瀉雲山頃刻千崑萬壑
斑放情本在江湖畔掉臂忽到雲霄
間秋實春華兼採掇詹端揆席相躋
攀詩人少達徒浪語造物與君奚所
慳正爾思鄉辭帝所中途邀作芙蓉
主還將文字記瓊樓不怕神仙足
官府

聞任翼聖亡

秦淮載筆後一別如雨絕我伏閭里
中嬾不事干謁每有當

路人無端願交結

邵公基王
公安國

叩其所從來謂君向若說乃知

迹雖疎風義極真切憶昔言別時
贈我白卓傑自擬赤城霞謂予姑山
雪雪寒尚皚皚霞光忽淪滅淪滅胡
足悲層霄已照徹

病起

病起支離強半春庸虛愧此百年身
老來暫健如殘照事往旋生等撲塵
天際故交能念我沈歸愚來眼邊物色會留人却文幕聘
庭葩次第輸新艷未覺貧家掃地貧

口占代東蘊高諸同人

辛夷高花開未落海棠蓊蓊欲破萼殘梅餘不尚粘枝多謝
春風吹不惡滿庭景色紛可憐主人老病如枯禪枯禪對此
亦愉悅遲我朋好偕賞延三月三日天氣新踏春採藥多佳
人杜老看花浪欲死仲御浮舟太少情印湏過我慰離索不
負鶯花貧戶春

七夕讀杜詩牛女篇

小東撫列宿窮極呼穹蒼謂猶具官臣尸素空周行玉川祖
其意月蝕詩張皇口寔資騷賦驅使到天章星辰亦良苦為
人任短長其中牛與女津津口加詳七夕河漢明下土舉頭

望兒女致私祝監儒乞芬芳緣飾多故事瑣細語不莊惟有
杜老詩引義陳大綱撥疑見本根辭家敢頡頏

憶往日三首

憶往日兮憇山居面湖背嶺開林間湖光潏灩鋪樹杪嶺勢
環合侵座隅塵鞅掉頭獨長往微尚不顧人揶揄當晝看雲
踞盤石夜來乘月款僧廬有時風雨雜啼嘯青燐照我讀殘
書竒懷幽賞不可再顏唐老罷徒區區

憶往日兮住東田過橋野色分江天魚菴蟹舍作鄰曲棹歌
漁唱到枕邊經旬斷絕俗士駕雪甚忽來訪戴船室中有人
協隱趣歲儉怡怡安粥饘謂言此樂便可老誰知轉盼迹如

掃七十衰翁精已已，身世牽纏不得了。
憶往日兮雲龍山，憑高攬勝卑人寰。
滿目無非霸王意，長河湧入胸懷間。
是夏彭城告大水，緣山廿里波潺湲。
宛然置我波心嶼，鳴聒雁鶩鳧鷖歸在舟中。
一回望山川無情慘別顏，安得亭邊雙白鶴，送我飛去復飛還。

先子年七十有一，終於臘月初一，冬至節，卧占首聯。祖范

次三四句，今閱三十五冬至矣，追續成篇。

喜屈書雲節重逢添線，時線為長命縷，雲捧再中曦，潛息卿慙長加年，父遜兒俄更三十五，洒淚續遺詩。

懷舊

一別十年外，離懷漸欲平。
令顏來夢杳，柔語着心明。
身後田廬置階前，幼稚盈與君。
有底涉深覺，負平生。

記潘樹尋父

潘子初生似遺腹，非孤而孤。
母鞠育年將三十，父不歸存殂。
天涯杳難卜，此身既不出空桑。
何得安居守故鄉，萬里灑遍思親淚。
十年足繭寒，岕霜荆襄秦蜀滇。
黔路雲迷莫辨親，停處人傳近在合江邊。
急往又渡瀘川去，一朝會合越雋間。
是耶非耶，雙慘顏端的相持喜。
更悲天日晦，曠俄開鮮扶將就道行未久，一具殘骸付兒手。
百越蓁蓁羈鬼多，問誰得似君邱首。
嗚呼此亦尋常事，人不能然便稱異。
家家堂上逮親存。

何以無虛晨與昏

登杭州撫署樓

時就浙撫顧公聘在署四月

浮生天地一蘧廬那辨家園與客居
山展畫屏當卧榻樓攢官舍入仙閭
間來雨望兼晴望味在吟餘又夢餘
曾是庾公乘月上如何人舉障風祛

樓為前任常撫臺建時被劾躬坐

湖上

多承主人意整駕湖濱早神遊始身踐
到處欲留討簇騎不得停歷覽亦稍稍
諸勝一日周只當公事了有如至珍味
容嘗不容飽還思古之人偶至迹不掃
何必日留連留連人豈少

林亭

病託北城隈聊為偶然計中有雜花木
翦拜留蘂肆栖遲四五年宛有園林意
連歲幸物役春芳不相值今真息老物
始嘗幽居致蔭密鳥舒吭花深蝶縈翅
每於微雨過晨起領清異多謝眾妙姿
婉孌相環侍各以樂生心呈獻迎時志
中有柏一株落寞自高寄

題蘭陔奉母圖

西郊聯延綽楔高坊表節義揚風捺烏頭
于古有定式踵事未免爭奢豪就中方氏
猶規檢母儀久仰孟與陶有客眎我蘭
陔圖家園閑燕為親娛芊綿烟水通畧
約一逕宛入蓬壺

居層軒邃宇隱幃幔疏廊伏檻迴安輿亭亭明玕映清瑤閒
閒仙驥當庭墀含飴戲綵兩不倦融融愛玩春暉遲凱風詩
人自怨媿祇因有子心莫慰似此能承母氏歡冰霜雖苦松
筠翠行瞻雙闕坐披圖孝節相成為吁歎

哭王省哲

勿藥

其自號

偏嘗藥真難為解嘲翻留一日長斷送百年交風
雨誰相念衡門恍欲敲中庭一哭罷殘月掛林梢

落葉次毛約亭韻

變衰搖落是前期無雨無風尚不支有恨人題溝畔句何依
烏繞月明枝單如客子無家別齊若全軍捲甲時觀化山窻

知雅興樵供茶竈不教遲

素風上人移住白雀寺

桑下暮三宿飄然任錫飛赤烏流震旦白雀舊禪扉影共孤
雲徃心和曉月歸隨身無別物一領稻田衣

詠史

子雲淵雅士為官甚拓落守玄不能終晚有羨新作封禪文
已慙效尤益可忤後來陳子昂論議殊煒煌獻周受命頌圭
璧薦闈房兩賢在平昔豈不識順逆勢利一薰心永為後人
惜

西京尚儒術篤素多被徵抱經偕時髦徃徃見侵凌轅固食

馬肝刺彘吁可懲王式本不來來遭狗曲憎申公傳藩國不
免胥靡刑疇蒙稽古榮致位至公卿知務叔孫子曲學公孫
弘

東京尚名節卓行不顧偏猶有牛醫兒事蹟無一傳羣賢自
傾倒交口推讓焉吾家太邱長道廣汪陂然誨偷指梁上柱
弔隨潁川公卿盡虛佇飾巾待歸全兩賢近中行希風我心
懸

烏智能擇木俊傑猶難之風塵混六合適從路多岐成敗豈
前定事後覺前非堂堂魏鄭公佐治罕疇匹方其未遇時道
士從李密又為建德臣輾轉歸唐室但期底蘊展匪矢致身

一儒生議論拘引義在管忽較量兄弟間母乃太屑屑

清流關外村中有趙學究徑路默自識檢點忽相就半部佐
治平功業洵卓茂締觀彼生平與主相將迎總用識徑智長
得保寵榮不賣盧龍者其人孰重輕

吾慕江州陳宗族七百人每食設廣席長幼以齒坐恂恂和
氣感畜犬百犬共牢食必均為問彼何時豺虎磨牙噬生民
君如奕棋國傳舍天下不復知尊親世上自亂家自理閉門
別有無邊春

二陸亾國餘英華動京洛快與金谷遊險入豪王幕乃以水
鄉士值彼曠林虐黑憶決不開悲憶華亭鶴歎逝不退身豪

士賦有作昔人笑目曉才多愈辟錯
名士仕牝朝壯武與梁公狄能挽廬陵張徒隕其躬式乾雖
異議戀位忍周容守正既不力行權復怔忡畏禍靡及禍曷
若守義終虎尾履不啗斗南垂英風

羅氏有良子臨州適得鄂怛報忠武威凡百慎所作官滿省
無愆入廟拜神幕伏地遂不起此事傳喑悒王法不孥僂止
誅當身惡願也實蓋愆應見宥冥漠入拜乃一擊不入則奚
若意彼冥數盡適與其時選否則神憤極那能頌駢角大義
畧細謹天道自昭灼

孟德雖譎詐自是蓋世英雲長義不留豈不識其情辟陽侍

呂雉擬人太非倫何有置一處欲亂其主臣小夫能自持况
乃真天人奈何委巷語秉燭光達晨咤為此大節流播鯀生
唇

古人巧干澤曰請自隗始在國可羅材自待殊卑靡假如虛
薄資謬先衆人舉買駿不遺骨以我致千里金臺高嶙峋簸
揚是糠粃豈不慮人譏九九枝相擬受寵反若驚深衷蓋有
以

陸賈病免日疏傳告老歸皆有金可貽二父訓則睽疏也陳
古義慮以財生疵陸近時世情分授生產資就養十日更極
歡擊鮮肥又虞久相溷兒輩起數思劍騎隨身物所死家得

之當年兩家子不知孰賢愚愚定疏羨陸賢者當何如
詠物
鳥賊巧潛形吐墨自遮蔽人挹此墨水若用書券契移時只
空紙迹歸虛無際方其傾吐時布寫甚氤氳眯目亦偶爾究
竟無一存為語副墨子魚智安足論

水母目以蝦出沒倏若神印蟹相因依趨負猶一身魚鳥比
目翼不比不飛行物性有短長善用屈亦伸奈何傲復徒予
智坐遭迤

蠅娘轉糞丸用力勤以專顛墜不肯釋詎知所以然精神入
其裏有物中蜿蜒瞥爾破壳去此之謂蠹天食息養聖胎理

亦近似焉

郊牛角繭栗鼯鼠食不悟問其所以然則緣甘口故甘口巧
中傷甘心受其誤么麼能滔天饗帝愆厥素是故巧令輩勳
華猶畏怖

庚辛歲交

今宵故事守無辭無奈情何總是癡闔關乾坤臨戶限悲歡
人世八年厄那堪頻有天倫感自哂重邀國士知薦舉景薄
虞淵拚秉燭登舟不覺夜分移

陡覺凌晨寒勢嚴四邊天墨叶農占十分好境甘中苦百歲
流光減是添無法安心催展卷要開笑口試巡簷里閭競話

今年事
鑿輅南巡翹首瞻

紀遇

曳杖俄聞剝啄聲為傳

天語到蓬衡羣公交口相推薦
當宁霽顏道姓名有作不
妨呈艸橐引年兼許免途程撫躬何計堪承受俯仰中宵獨
屏營

廿載逃名反得名人疑何術動公卿洗心難盡胞中垢刮眼
誰知眇似明羞喜委形猶健在若論稽古愧邀榮兒曹記此
由衷語未必人言即定評

舊稿復歸喜而有作

舊稿間將敝篋收赫蹏葉葉字蠅頭忽然飛上層霄去化作
瓊瑰護翠虬

日月光明燭九垓不遺葑菲與蒿萊山窻一卷師心語曾入
重瞳四目來

六丁下取急追逋不望重歸副本無體念人情珍敝帚
君恩深已決肌膚

哭韓開雲

彩箋書就祝靈椿忽有人傳已返真奢與九齡推舊德靳留
三日度生辰斑斕將舞更直經臯復升號即賀賓鳴咽婁江

東逝水西州路近亟回輪

○北山歸途

展墓歸經洗馬池佛廬山店與田畦人行鏡裏清光杳秋在
籬邊秀色低一一空回入市擔聲聲報晚上墻雞安能更得
身強健出郭緣源數杖藜

哀西京

滿意君歸結比鄰廉泉讓水

子居與君儻吳氏居中間池潭

老相親雖然泉

路交期近此日何堪宿草春

月下

百年身世料如斯獨立清宵轉自疑名炳月中高的的人依

葭露遠淒淒

浮生更得幾中秋忍放金波忽過頭弦鼓即宜勤盼玩十分
圓足轉堪愁

晚桂

同是馮馮窠窠姿人情於早不於遲遲開莫自嫌晚晚不斷
芳風接菊籬

啜茶

茶名陽羨窠窠先標淡素風姿雀舌嬌記得釣臺烹共啜長干
旅次話深宵

自笑

自笑生平復自疑為龍為蠖鎮如斯聲從何許騰霄漢年亦
無心到耄期恍惚已迷蕉覆鹿思量不覺涕垂頤流光未敢
頽唐過努力常吟抑戒詩

酉戌歲交

委形誰料到于今婪尾年杯不厭深事少疲懷宜穩睡詩無
新句莫長吟堯年偏有滔天警富室爭輸向日心改歲尚餘
旬日臘柳梢梅萼已森森

歲問黃楊日問蓂重光珠璧輾空青人逢景運多康老俗到
今朝暫宴寧潤筆未嘗留宿債養生猶異發新劔彭殤一致
終虛語自詡曾親舊典型

偶成

夢餘支枕聽更時無限幽懷祇自知人在塵中萬蟻戰身如
曙後一星危闇生煩惱因觀史嬾更推敲廢咏詩喜有寒梅
能解事十分春信到南枝

男社鑿編次——孫昂景較梓

大雅久不出正聲難可繼誰其主風騷氣
運千古繫晨來謁吾師妙論得其諦溫
觴自三百此道窮根柢兩漢迄魏晉風力
更凌厲靡齊梁音徒以工組麗有唐初
盛間古調未淪替沂源治其流遐矚無近
睇命意貴高迴胡為自恣憊再持願肉命
從師乞清製枓角便攜辭聲華當綺歲

結構皆老成不屑拾牙慧滂沛吐寸心芳
潤漱六藝研揣日以熟久矣臻妙詣時而
散奇芬春風熱蓀蕙時而澄清光秋露濕
菌桂嚶鳴谷鳥弄激越霜禽唳豪如馬脫
銜馭駟不能制健如鶴摩空颯爽出雲際
詞源瀉風濤奚啻萬計天聖亦為寰小
尚多一贊錯在有殊體從橫無宜勢當其

劇墨時俯眎一一切者賢且不讓作子直睥
睨意刺鑿混之識朗豁氣翳筆雄色亦若
骨峻思逾銳鍊極返平澹詩律彌復細啗
彼彥者織響等鳴砌澆以音與韻猶足
譽餘惠中也耽負句于古頗未契濡翰騁
妍詞母乃類駢儷不遇大手筆孰與別其
弊體偽多浮夸質弱易柔脆高才挺堅幹

卓犖可名世努力追正始風雅流後裔

門人在大中百拜謹跋

升祖見復先生詩文集凡十餘卷皆先生平日所手定士林校讎既畢有疑諸體略備詞賦甚少者林謂先生之文大抵皆有為而作不溢美不苟同一出以謹嚴豈猶夫駢枝儂葉以詞賦為君子者哉先生為人心醇而氣和與人交淡而彌永未嘗忤物而亦未嘗徇物故其為文章簡潔純雅是非可否必歸於正不諛經義亦不墮宗儒頭巾氣習昌黎所謂有道之文于先生見之矣先生提南宮未

廷對而歸屢長書院同材造就執經之士遍大江
南北顧不肖久淹當路殷勤駕弗顧也乾隆
辛未春

天子詔舉經學大臣以先生薦者不謀而同辭州郡
取平生述作上之朝

詔即家拜司業先生年已老矣感

聖主殊遇退而收拾其文謂林曰讀書未遍不得妄有
著述苟鑽研經史自矜竊獲安知非前人吐棄
之餘此無意雷同適與有心剽賊者並護也林

自顧菲薄屢荷提命丁巳春先生主紫陽書
院林時尚少即從先生遊移居葛巷與林衡
宇相望得朝夕過從歲甲戌林又館先生家塾
方冀親炙之久服膺無倦不謂先生即以是年
奄捐館舍凡我及門痛深安仰歲月荏苒垂
及一紀追維循誘言猶在耳校讐之下尤念
先生所以倦于林者讀書外更大有事在非
直以務藝華取科第相期而已而林學殖
日以荒廢重負先生提獎之意今雖欲濡染

緒論復親斤斲而不可
如乾隆二十九年九月受業姪



